

Ref: BUBT-Reg-1198-07-25


Date: 09-07-2025

সচেতনতামূলক জরুরি বিজ্ঞপ্তি (সকল শিক্ষক, কর্মকর্তা, কর্মচারী ও শিক্ষার্থীদের জন্য)

বিষয়: শিক্ষা প্রতিষ্ঠানের বুলিং ও র্যাগিং প্রতিরোধ সংক্রান্ত নীতিমালা অনুযায়ী শিক্ষা প্রতিষ্ঠানে বুলিং ও র্যাগিং এর সংজ্ঞাসমূহ প্রচার প্রসঙ্গে।

গণপ্রজাতন্ত্রী বাংলাদেশ সরকার এর শিক্ষামন্ত্রণালয় কর্তৃক শিক্ষা প্রতিষ্ঠানের বুলিং (Bullying) ও র্যাগিং (Ragging) এর মত সামাজিক অপরাধসমূহ প্রতিরোধ, প্রতিকার এবং অবসানের লক্ষ্যে ‘শিক্ষা প্রতিষ্ঠানে বুলিং ও র্যাগিং প্রতিরোধ সংক্রান্ত নীতিমালা-২০২৩’ প্রণয়ন করা হয়েছে। এই নীতিমালা অনুযায়ী শিক্ষা প্রতিষ্ঠানে বুলিং ও র্যাগিংকে সংজ্ঞায়িত করা হয়েছে, যা নিম্নে উল্লেখ করা হল:

- (১) মৌখিক বুলিং ও র্যাগিং: কাউকে উদ্দেশ্য করে মানহানিকর/অপমানজনক এমন কিছু বলা বা লেখা যা খারাপ কোন কিছুর প্রতি ইঙ্গিত বহন করে এমন কার্যাদিকে মৌখিক বুলিং ও র্যাগিং বুঝাবে। যেমন- উপহাস করা, খারাপ নামে সম্বোধন করা বা ডাকা, অশালীন শব্দ ব্যবহার করা, গালিগালাজ করা, শিস দেওয়া, হুমকি দেওয়া, শারীরিক অসমর্থতাকে নিয়ে উপহাস করা বা অনুরূপ কার্যাদি।
- (২) শারীরিক বুলিং ও র্যাগিং: কাউকে কোনো কিছু দিয়ে আঘাত করা, চড়-থাপ্পড় মারা, শরীরে পানি বা রং ঢেলে দেওয়া, লাথি মারা, ধাক্কা মারা, খোঁচা দেওয়া, থুথু মারা, বেঁধে রাখা, কোনো বিশেষ ভঙ্গিতে দাড়িয়ে/বসে বা বিশেষ অবস্থায় থাকতে নির্দেশ দেওয়া অথবা কোনো কিছু করতে বা না করতে বাধ্য করা, কারো কোনো জিনিসপত্র জোর করে নিয়ে যাওয়া বা ভেঙ্গে ফেলা, মুখ বা হাত দিয়ে অশালীন বা অসৌজন্যমূলক অঙ্গভঙ্গি করা বা অনুরূপ কার্যাদি।
- (৩) সামাজিক বুলিং ও র্যাগিং: কারো সম্পর্কে গুজব ছড়ানো, প্রকাশ্যে কাউকে অপমান করা, ধর্ম, বর্ণ, জাতি, গোত্র, পেশা, গায়ের রং, অঞ্চল বা জাত তুলে কোনো কথা বলা বা অনুরূপ কার্যাদি।



Ref: BUBT-Reg-1198-07-25

Date: 09-07-2025

(৪) সাইবার বুলিং ও র্যাগিং: কারো সম্পর্কে সামাজিক যোগাযোগ মাধ্যমে কটু কিছু লেখা বা ছবি বা অশালীন ব্যঙ্গাত্মক কিছু পোস্ট করে তাকে অপদস্থ করা বা অনুরূপ কার্যাদি।

(৫) সেক্সুয়াল (Sexual) বুলিং ও র্যাগিং: ইচ্ছাকৃতভাবে শরীরের বিভিন্ন স্থানে আপত্তিজনক স্পর্শ করা বা করার চেষ্টা করা, ইঙ্গিতবাহী চিহ্ন প্রদর্শন করা, আঁচড় দেওয়া, জামা-কাপড় খুলে নেওয়া বা খুলতে বাধ্য করা বা অনুরূপ কার্যাদি।

(৬) অন্যান্য: উপরে বর্ণনা করা হয়নি এমন কর্ম, আচরণ, কার্যাদি যা অসম্মানজনক, অপমানজনক ও মানহানিকর এবং শারীরিক/মানসিক যাতনার কারণ হতে পারে, তা যে নামেই হোক না কেন তা বুলিং ও র্যাগিং হিসেবে গণ্য হবে।

অধিকন্তু, বিইউবিটিতে বুলিং ও র্যাগিং প্রতিরোধে একটি বুলিং ও র্যাগিং প্রতিরোধ কমিটি এবং একটি বুলিং ও র্যাগিং স্কোয়াড আছে যাঁরা বুলিং ও র্যাগিং অপরাধ সংক্রান্ত যে কোনো ধরনের ইনজুরি প্রতিরোধে সকল প্রয়োজনীয় তদন্ত সাপেক্ষে সুপারিশ প্রদান করেন।

(ড. মোঃ হারুন-অর-রশিদ)

রেজিস্ট্রার

বিইউবিটি

অনুলিপি / বিতরণ:

১. পি. এস. টু ভাইস চ্যান্সেলর
২. পি. এ. টু অ্যাডভাইজার
৩. ট্রেজারার
৪. সকল ডীন
৫. সকল বিভাগীয় প্রধান
৬. সকল অফিস প্রধান
৭. সকল শিক্ষক
৮. সকল কর্মকর্তা
৯. সকল কর্মচারী
১০. সকল শিক্ষার্থী
১১. বিইউবিটি ওয়েবসাইট
১২. বিইউবিটি অফিসিয়াল ফেসবুক পেজ

১৩. সকল নোটিশ বোর্ড

১৪. অফিস কপি